

27 IUNIE

RUGACIUNEA 1

SF.CUVIOS

SAMSON DE LA CONSTANTINOPOL

Молитва

О, предстателю наш пред Господем и теплый молитвенниче, преподобне отче Сампсоне! Зриши с небесе, яко погибаем во обстояниих и скорбех: прилагается бо посреде нас неверие ко отступству и разделению, оскудевает любви, умножаются же беззакония и соблазны, болезни и скорби множества бездомных, гладных и сирых. Откуда, отче, примем силы, да устроим противу соблазнов мира, сохраним в сердцах наших любовь и веру Христову и упование православных и приложим попечение о больных и бедных, аще не ты заступиши нас твоим предстательством теплым, прося нам помощи от Бога в немощех наших? Сохрани убо молитвами твоими благомощие Христолюбиваго народа нашего, крепость страны Российския, мир и безмятежие Святыя Церкви, всех же нас огради и сохрани непоколебимы посреде неверных, поносящих веру нашу хулителей, огради от

соблазнов, возбуди сердца имущих к милованию нищих, согрешению хладных, напитуанию алчущих и призрению бездомных, утоли умножение скорбей и болезней, глада и прочих уязвляющих ны бед, даруй ослабу страждущим младенцам, ниспошли от Господа укрепление, утешение и отраду женам, в муках деторождения сущим, и всем, в тяжких работах, в больницах, заточениих и темницах унывающим, да вси прославим в Троице славимаго Бога Отца, и Сына, и Святаго Духа. Аминь.